

ԱՐՄԱՆ ՄԱԼՈՅԱՆ

Պատմական գիտ. թեկնածու, ԵՀ ՀԻՄ

ԸՆՏԱՆԻՔԻ ՎԵՐԱԲԵՐՅԱԼ ՀՐԱՊԱՐԱԿՈՒՄՆԵՐՆ «ԱՐԱՐԱՏ» ԱՄՍԱԳՐՈՒՄ

1868—1919 թթ. հրատարակված «Արարատ» ամսագիրը նշանակալի դեր է խաղացել հայ ժողովրդի կյանքում:

Ամսագրում տպագրվել են նաեւ ընտանիքի վերաբերյալ նյութեր, որոնցում արծարծվել են հասարակական մեծ հնչեղություն ունեցող հարցեր: Այսպես, տարբեր ժամանակաշրջաններում կնոջ դրուժյանն ու կրթությանը հանգամանալից անդրադարձած «Պատմական նկատմունք կնոջ դրուժեան եւ կրթութեան մասին» հոդվածում Արիստակես վրդ. Սեդրակյանը գրում է, որ զանազան ժամանակներում այս կամ այն երկրում կնոջ վիճակը պայմանավորված է եղել հենց տվյալ հասարակության մտավոր եւ բարոյական դրուժյամբ: Հին՝ հեթանոսական աշխարհի քաղաքակրթությունը հիմնականում չէր ընկալում մարդկային արժանապատվության կարեւորությունը, ուստի կնոջ դրուժյունը կռապաշտական աշխարհում գոհացուցիչ չէր: Քանի որ տիրապետող էր բիրտ ուժը, կնոջ համար դժվար էր մաքառել տղամարդկանց հետ, իսկ բարքերի համատարած ապականության պայմաններում կինը կորցնում էր իր արժանավորությունն ու չունեւ հարգվելու որեւէ իրավունք: Մարդկության զարգացման սկզբնական ժամանակներում, երբ կրոնը հիմնված էր ստրկացնող երկյուղի վրա, հասարակական կազմավորումները հենվում էին զորեղի իրավունքի վրա, եւ կինը, չունենալով այդ հիմնական իրավունքը, հարկադրված էր ունենալու նվաստ դեր. տղամարդը նրան վերաբերվում էր իբրեւ առարկայի: Հետագայում, երբ հասարակությունը պարզ կենդանական վիճակից անցում է կատարում դեպի զարգացման ավելի բարձր աստիճան, կինը՝ իբրեւ մայր եւ տանտիկին, ստանում է վեհագույն նշանակություն: Տղամարդն սկսում է հարգանք տածել կնոջ հանդեպ: Դա երեւում է հատկապես ցեղային կամ նահապետական կյանքում¹:

¹ ԱՐԻՍՏԱԿԵՍ. ՎՐԴ. ՍԵԴՐԱԿՅԱՆ, Պատմական նկատմունք կնոջ դրուժեան եւ կրթութեան մասին, «Արարատ», ԺԱ.—ԺԲ., 1878, էջ 425—434:

Ըստ հոգվածագրի՝ Հոմերոսը մեծ նշանակություն է տալիս կնոջը: Հենվելով հռոմեացի մատենագիրների տեղեկությունների վրա՝ հոգվածագիրը նշում է, որ գերմանական ցեղերի ու սլավոնների համար կինը մի նվիրական էակ էր, եւ կնոջ կարծիքը մեծ մասամբ կարեւոր նշանակություն ուներ: Միաժամանակ ցավով նկատում է, որ մեզանում դեռ ոչ ոք հանձն չի առել հետազոտել դիցաբանական եւ հին պատմական շրջանների հայ կնոջ դրությունը: Այս առումով բացառություն է համարում Ալ. Երիցյանի «Историческое положение современной Армянки» աշխատությունը, թեեւ գրում է, որ այդ աշխատությունը միանգամայն անհամապատասխան է իր վերնագրին: Նա կարեւորում է ժողովրդական գրույցները, հեքիաթները, ավանդություններն ու երգերը, որոնցից շատերը, ըստ նրա, պարզորոշ ցույց են տալիս հին ժամանակներում հայ կնոջ դրությունն ընտանեկան եւ հասարակական կյանքում:

Այնուհետեւ հոգվածագիրը նշում է, թե Արեւելքում կնոջ բախտն այնպիսին է մնացել, ինչպիսին որ էր Քրիստոսի ծննդից մի քանի դար առաջ: Հունաստանում եւ Հռոմում կնոջ նկատմամբ վերաբերմունքը նույնպես անարդար էր: Պետական կյանքում կինը չի կանգնել եւ չէր կարող կանգնել տղամարդու հետ հավասար, նա չէր համարվում ազատ, լիիրավ քաղաքացի, այլ ծառայական դասի ու ստրուկների հետ ստորին տեսակ էր համարվում: «Սանձ, աւել եւ բու — ահա խորհրդանշանը կանացի առաքինությունների — լուսկացութեան, տնտեսութեան եւ հսկողութեան: Լինել մարդի բարեկամը կամ զրուցակիցը նա չէր կարող»²: Հռոմում կինն ստրուկ չէր համարվում, այլ մի էակ, որը թեեւ տղամարդուն համահավասար չէր, սակայն ուղղակի եւ մեծ ազդեցություն ուներ ընտանեկան կյանքի ներքին կազմակերպության, հոգու, նույնիսկ՝ հասարակական գործերի ընթացքի վրա:

Այսպիսով՝ ըստ հոգվածագրի՝ հին կռապաշտական աշխարհն իրենից հետո կտակեց կամ կնոջ ստրկություն, որը նրանից խլում էր մարդկային բոլոր իրավունքները, կամ ազատություն բարոյական եղծման ձեւով, որը կործանում էր կնոջ իսկական արժանավորությունն ու ոչնչացնում նրա հանդեպ եղած որեւիցե հարգանք:

Հին կնոջ բոլորովին այլ ինքնագո տեսակ էր ներկայացնում եբրայական ժողովուրդը: Ս. Գիրքը, նկարագրելով անմեղ մարդու նախասկիզբ

² Անդ, էջ 429:

վիճակը, ցույց է տալիս նաեւ կնոջ սկզբնական բարձր նշանակութիւնը եւ ընտանեկան հարաբերութիւնների մաքուր օրինակը: Հանցանքն ամբողջութեամբ այլափոխեց նախեղակ վիճակը, որի հետեւանքը եղավ մարդու մաքառումը բնութեան հետ, իսկ կնոջ համար երկունքի ցավեր եւ տղամարդուն ստորադրութիւն, այսինքն՝ «Առ այր քո դարձ քո, եւ նա տիրեսցէ քեզ» (Մննդ., Գ. 16.): Սակայն կինը, որը, առաջինն օձից խաբւելով, մարդու անկման պատճառ դարձավ, պիտի լինի եւ մարդու վերականգնման պատճառը: Այսինքն՝ կինն իր մեղքը պիտի քավի՝ ծնելով նորան, որը պիտի ջախջախի օձի գլուխը: Այս հանգամանքը կնոջ նկատմամբ հրեաների վերաբերմունքին եւ այդ ժողովրդի մեջ կնոջ ունեցած դրութեանը բոլորովին այլ կերպարանք էր տալիս: Հին Կտակարանում հաճախ կարելի է նկատել մոր վսեմ նշանակութիւնն ու նրա նկատմամբ խորին հարգանքը, իսկ ամուսնական փոխհարաբերութիւններում հրեուհին միշտ հպատակ է ամուսնուն: Այս ամենով հանդերձ՝ նա բավականին ազատ էր՝ արեւելյան ուրիշ ազգերի կամ Հունաստանի կանանց համեմատութեամբ: Հրեա կնոջ կյանքում չենք գտնում այն ճնշվածութիւնը, որը բնորոշ էր Հին աշխարհի կանանց. նրանք համեմատաբար ավելի նշանակութիւն ունեին ընտանիքում, թեւեւ կատարելապէս չունեին մարդկային իրավունքներ եւ արժանավորութիւն:

Այնուհետեւ հոգեւորագիրն անդրադառնում է միջնագարում կնոջ ունեցած դերին, խոսում ազնվազարմ օրիորդների համար բացված դպրոցների մասին, միաժամանակ նշում, որ, այնուամենայնիվ, մինչեւ ԺԹ. դարը տիրապետող էր այն մտայնութիւնը, թե կինը թույլ եւ քնքուշ արարած է՝ ստեղծված միայն տղամարդու հաճույքի համար: Սակայն քիչ չէին այն հեղինակները, որոնք կարծում էին, թե պետք է լավ կրթութիւն տալ կանանց, քանի որ կնոջ վատ կրթութիւնն ավելի է վնասում հասարակութեանը, քան տղամարդունը, որովհետեւ գլխավորապէս բարոյական եւ կրոնական գաղափարների կրողը հենց կինն է, եւ հիմնականում հենց նա է զբաղվելու մանուկների դաստիարակութեամբ:

Ուսանելի դիտարկումներով աչքի է ընկնում նաեւ Մանուել քհն. Աստուածատրյանցի հոգեւածը³, որտեղ հեղինակն անդրադառնում է նշանադրութեանը, պսակին, կուսութեան խնդրին, ամուսնութեան տարիքին,

³ Տե՛ս ՄԱՆՈՒԷԼ ՔԷՆ. ԱՍՏՈՒԱԾԱՏՐԵԱՆՑ, Ամուսնութեան դաշանց վերայ, «Արարատ», 1878, Ը.-Թ., էջ 334—342:

հասություն ու չհասություն խնդիրներին եւ իր եզրակացությունները հիմնավորում Հին եւ Նոր Կտակարաններից կատարած մեջբերումներով:

Ամուսնության հարցում նշանադրության կարեւորությանն է անդրադառնում նաեւ Վահրամ Եպս. Մանկունին⁴: Հոգվածագիրն իրավամբ շեշտում է, թե քանի որ ամուսնության խորհուրդը քրիստոնեական Եկեղեցում սուրբ եւ անլուծանելի է (բացառությամբ մի քանի ծանրակշիռ հանգամանքների, օրինակ՝ ամուսնական պարտքի կատարման անընդունակությանը, երբ օրենքը կարող է թույլ տալ լուծել պսակը), ամուսինները մինչ ի մահ միմյանց տեր են, օգնական եւ լծակից, եւ միայն մահը կարող է նրանց բաժանել: Ուստի խորհրդակատար քահանաները պարտավոր են հետամուտ լինել եւ քննել ամուսնացողների՝ չափահասության, հասության, բարոյական եւ առողջապահական անհրաժեշտ հատկությունների հետ կապված խնդիրները, ինչպես նաեւ շատ կարեւոր հանգամանք է ամուսնացողների փոխադարձ ինքնահոժար կամքի առկայությունը: Այս ամենը ճշտելուց հետո միայն պետք է օրհնվի ամուսնության նվիրական խորհուրդը: Հեղինակը դատապարտում է շահագրիտական նկրտումներով ամուսնությունները եւ նշում դրանց կործանարար հետեւանքները:

Ամուսնության եւ ընտանիքի ամրության վերաբերյալ այժմեական եւ ուսանելի դիտարկումներով աչքի է ընկնում «Արարատ»-ի հաջորդ հրապարակումը⁵: Իր քարոզը սկսելով Պողոս առաքյալից «Խորհուրդս այս մեծ է» մեջբերմամբ՝ հոգվածագիրը գրում է, թե մեծ է արդարեւ, քանզի սա իր մեջ պարունակում է այն անդրանիկ օրհնությունը, որով Աստված օրհնեց մարդկության նախածնող եդեմական ընտանիքին, ուստի բովանդակում է իր մեջ այն երջանկությունը, որով Աստված հաճեցավ երջանկացնել մարդկությանը: Սակայն անհրաժեշտ է նկատել եւ այն, թե որքան մեծ է ամուսնության խորհուրդը, նույնքան մեծ եւ կարեւոր են նրա շնորհը վայելել ցանկացող քրիստոնյայի պարտավորությունները, որոնք սրբությամբ կատարողները միայն կատանան աստվածապարգեւ օրհնությունը, երջանկությունն ու սրբարար շնորհը: Քրիստոնյայի՝ դեպի իր կինն ունեցած գլխավոր պարտավորությունը սերն է: Այդ անձնագործ սիրո պայմանով պետք է քրիստոնյան վճռի ընդունել աստվածասահման զուգավորության սուրբ խորհուրդը: Մարդու սերը

⁴ Տես ՎԱՀՐԱՄ ԵՊՍ. ՄԱՆԿՈՒՆԻ, Նշանադրութիւն, «Արարատ», 1878, Բ., էջ 41–44:

⁵ Տես Ս. ՎԱՐԴԱՊԵՏ (հավանաբար՝ Սահակ վրդ. Բաղդասարեան), Ամուսնութիւն, «Արարատ», 1881, Դ., էջ 145–148:

դեպի իր կինը պետք է արտահայտվի նրա հեզ եւ քնքուշ կենցաղավարության մեջ: Մարդը պետք է համոզված լինի, որ իր կինն իրեն ստրուկ չի տրված, այլ հավասար ընկեր, կյանքի քաղցր ու դառը պահերի ուղեկից, ուստի ընտանեկան եւ հասարակական կյանքում պարտավոր է հարգել իր կնոջ իրավունքները, հոգալ նրա բարոյական եւ մարմնական պահանջմունքները, զգուշանալ նրա դյուրաբեկ սիրտը դառնացնելուց եւ սերն իրենից պաղեցնելուց: Քրիստոնյայի համար աններելի հանցանք է սեփական կնոջ նկատմամբ կռակիտ ու վայրենի վերաբերմունք ունենալը, որովհետեւ Աստծու սեղանի եւ քահանայի առաջ ուխտել են սիրել, սիրել այնպես, ինչպես Փրկիչը սիրեց Սուրբ Եկեղեցին: Իսկ կանայք փոխադարձաբար պարտավոր են ամեն բանի մեջ հնազանդ լինել իրենց ամուսիններին: Այդ հնազանդությունը պետք է ոչ թե ակամա բխի ստրկական սրտից, այլ իր պարտավորությունները քաջ գիտակցող եւ վեհանձն սրտից, ոչ թե տհաճություն, այլ մեծ հոգաբարձի պես եւ ուրախությամբ:

Ամուսնական փոխադարձ պարտավորությունները կատարելու գլխավոր եւ ապահով միջոցներից առաջինը երկու ամուսինների՝ միմյանց թույլ եւ պակասավոր կողմերին քաղցր ու ներողամիտ զիջողություն վերաբերվելն է: Իսկ երկրորդ միջոցը՝ փոխադարձ հավատարմությունն է: Աստծու առաջ միմյանց տված փոխադարձ հավատարմության ուխտի մեջ պետք է ցմահ հաստատուն մնալ:

Այնուհետեւ հոգեշնորհ հայր սուրբը եզրակացնում է, թե ընտանիքը, որում թագավորում են ամուսնական փոխադարձ սերն ու հավատարմությունը, երջանկության եղեմ է, որն ընծայում է մարդկությանը պիտանի եւ Աստծուն հաճո բարեկիրթ զավակներ: Հավերժապես ապահովված է այն ազգի գոյությունը, որը բաղկացած է այսպիսի ընտանիքներից: Նրանցից են բխում ամբողջ ազգի առաջադիմությունն ու հարստությունը: Այդպիսի ընտանիքներ ունենալու համար անհրաժեշտ է երիտասարդությունը կրթել ու դաստիարակել ամուսնական փոխադարձ սիրո եւ հավատարմության գաղափարի կարեւորության գիտակցմամբ, որպեսզի կարողանան ամենայն սրբությամբ պաշտել ողջախոհությունն ու սրբությունը⁶:

⁶ Տե՛ս անդ, էջ 148:

Իր մեկ այլ հոգվածում նույն հեղինակը հանգամանալից անդրադառնում է զավակների հանդեպ ծնողների ունեցած պարտականություններին՝ ծնողներին հորդորելով անհրաժեշտ ուշադրության արժանացնել իրենց զավակների հոգեւոր եւ մարմնական (իմա՝ ֆիզիկական.— Ա. Մ.) դաստիարակության կարեւոր գործը: Ըստ հոգվածագրի՝ ծնողների նվիրական պարտականությունն է՝ իրենց զավակներին սովորեցնել այն ամենը, ինչը որ սուրբ է, բարի եւ օգտակար, ու հեռու պահել այն ամենից, ինչը որ չար է եւ վնասակար: Կարեւորելով ընտանիքի եւ դպրոցի դերը մարդու դաստիարակության գործում՝ հեղինակը գերապատվությունը տալիս է ընտանիքին եւ հորդորում, որ ծնողները զավակների ստացած դպրոցական եւ ընտանեկան դաստիարակությունը լրացնեն իրենց անձնական կյանքի օրինակներով⁷:

Ամսագրի հաջորդ հրապարակագիր Մակար Եպս. Բարխուդարյանը⁸ ընտանեկան խաղաղության մասին հանգամանալից քարոզում կարեւորում է ընտանիքի անդամներից յուրաքանչյուրի պարտականությունները եւ իրավունքների անթերի կատարումը: Սրբազան հայրը համարում է, որ պարտականությունները եւ իրավունքները անթերի կատարելով միայն կարելի է գերդաստանների մեջ թագավորեցնել համերաշխություն, միություն եւ սիրով համեմված կենցաղավարություն:

«Մուրճ»-ում տպագրված «Հայ կնոջ ձայնը»⁹ հոգվածի առիթով դիպուկ եւ արժեքավոր դիտարկումներ եւ դիտողություններ է անում Կարապետ վրդ. Տեր-Մկրտչյանը¹⁰: Քննադատելով կանանց ազատության եւ ընտանեկան դերի մասին հոգվածագրի հայտնած որոշ պնդումներ՝ Կ. Տեր-Մկրտչյանն ընդհանրացնում է, թե՛ այժ, թող կանայք ազատության եւ ներքին անկախության ձգտեն, զգվեն կեղծիքից ու հրապուրիչ լինելու համար գործ դրած բոլոր անվայել միջոցներից, աշխատել սովորեն, եւ երբ հարկ լինի՝ երբեք չքաշվեն հրապարակի վրա ազնիվ աշխատանքով ապրուստ հայթայթելուց, բայց եւ կին լինելուց չդադարեն,

⁷ Տէս Ս. ՎԱՐԳԱՊԵՏ, Ծնողաց պարտականութիւնը դէպ ի որդիքը, «Արարատ», 1881, Ե., էջ 195:

⁸ Տէս ՄԱԿԱՐ ԵՊՍ. ԲԱՐԽՈՒԴԱՐԵԱՆՅ, Ընտանեկան խաղաղութեան մասին (Պարզ քարոզ), «Արարատ», 1901, Բ., էջ 68—75:

⁹ Տէս ՏԻԿԻՆ ՀՐԱՆՈՅԵ (Հրանոյշ Թովչեան), Հայ կնոջ ձայնը, «Մուրճ», Թիֆլիս, 1903, №1, էջ 77—87, №2, էջ 174—196:

¹⁰ Տէս Կ. Վ. (Կարապետ վրդ. Տեր-Մկրտչեան), Մեր մամուլը, «Արարատ», 1903, Ե., էջ 459—463:

չերեւակայեն, թե տղամարդու նման շարժվելն ու տղամարդու գործեր կատարելն ավելի պատվաբեր բան կլիներ իրենց համար, առհասարակ չմտածեն, թե տղամարդն իր կատարած դերով ու իր կոչմամբ ավելի բարձր է կնոջից, չցանկանան տղամարդու ձեռքից խլել կարծեցյալ առանձնաշնորհությունները: Իսկական մտքով վերցրած՝ ոչ մի կոչում մյուսից բարձր չէ, եւ յուրաքանչյուրը լավ է ու արժեքավոր իր տեղում. բայց եթե համեմատության գանք, գուցե պետք է կնոջ կոչումն ավելի բարձր համարենք տղամարդու կոչումից¹¹:

Եղիշե Ժ. վրդ. Մուրադյանը, «Մեր կեանքի ցաւերից»¹² վերտառութեամբ հրապարակման մեջ ընտանիքը համարելով հզոր եւ սուրբ ամրոց, որը մեր ազգային-կրօնական ինքնությունն գոյութեան պահպանութեան խնդրում երբեք Եկեղեցուց պակաս նշանակություն չի ունեցել, գրում է, թե ընտանիքը փոքրիկ թագավորություն է եւ ազգային հասարակական ավելի մեծ համախմբումների կենդանի պատկերն ու հիմքն է: Որքան հաստատուն է ընտանիքի անդամների միջեւ կապը, այնքան ուժեղ ու անդրդվելի են այդպիսի ընտանիքներից կազմված համայնքն ու ազգը: Ընտանիքն է ամենամեծ եւ առաջին դպրոցը: Այնուհետեւ հոգվածագիրն իր մտահոգություններն է արտահայտում ամուսնալուծությունների թվի աճի առիթով՝ եզրակացնելով, թե ամուսնացողների շուրջ քսան տոկոսն ընտանիք կազմել չի կարողանում, չի հասկանում ընտանեկան սրբությունները, եկեղեցական ամուսնությունն ընդունում է սոսկ իբրեւ միջոց՝ իր նպատակին հասնելու համար: Հետագա շարադրանքում հեղինակը ներկայացնում է ամուսնալուծությունների կանխարգելմանը եւ դրանց թվի կրճատմանը միտված գործնական քայլեր¹³:

Ընտանեկան երջանկության հիմք համարելով առողջությունը, համերաշխությունն ու սերը՝ «Արարատ»-ի անանուն հոգվածագիրը գրում է, որ ազգերի կենսունակության սաղմը թաքնված է ընտանիքի մեջ: Ընտանիքն է այն առաջին դպրոցը, ուր սնվում-դաստիարակվում են հասարակության ապագա պիտանի անդամները: Այնուհետեւ հոգվածագիրը հանգամանալից անդրադառնում է շատ կարեւոր մի խնդրի՝ ամուսնացողների առողջությանը եւ ուրախութեամբ արձանագրում, որ Սինոդը,

¹¹ Անդ, էջ 462:

¹² Տէս Ե. Ծ. Վ. Մ. (Եղիշե Ծ. վրդ. Մուրադյան), Մեր կեանքի ցաւերից, «Արարատ», 1904, Ե., էջ 398—402. 1904, Զ., էջ 498—506. 1904, է.—Ը., էջ 593—603:

¹³ Անդ, էջ 401:

կարեւորելով այս խնդիրը, որոշում է կայացրել՝ ամուսնացող երիտասարդներից, ի թիվս այլ ապացուցաթղթերի, պահանջել նաեւ բժշկական վկայական՝ նրանց առողջութեան մասին¹⁴։ Հստ հեղինակի՝ այդ փրկարար միջոցով մեծապէս կկանխվի հիվանդոտ եւ այլասերված սերունդ արտադրելու վտանգը։

Հայ ընտանիքների հիմքերի անսասանութեանն ու ամուսնալուծությունների թվի կրճատմանն էր նպատակաուղղված նաեւ Սինոդի՝ 1905 թ. դեկտեմբերի 15-ի շրջաբերականը, որով հայտնում էր, թե Ամենայն Հայոց Կաթողիկոս Մկրտիչ Ա. Վանեցու՝ առ 25 նոյեմբեր 1905 թ. թիվ 1480 կոնդակով հաստատվել է երանելի Ներսէս Ե. Աշտարակեցու՝ 1854 թ. տված վճիռը՝ ապօրինի կենակցողների մասին։ Դրանով ապօրինի կենակցողները զրկվում էին սուրբ հաղորդութունից եւ եկեղեցական օրենքներից։ Այդպիսիների մահվան դեպքում քահանան պարտավոր էր սեւ փիլոնով լուռ ուղեկցել դագաղը տնից դեպի գերեզմանատուն՝ առանց եկեղեցի մտնելու, իսկ գերեզմանատանը միայն «Ողորմած Աստուած»-ը երգել, ապա դիակը հողին հանձնել եւ կնքել գերեզմանը։ Եթե ապօրինի կենակցողները հետագայում՝ մինչեւ իրենց մահը, զղջացած լինեին, ապա նրանց թույլատրվում էր արժանացնել վերջին հաղորդութեան¹⁵։

Պսակի խորհրդի, ամուսնութեան նպատակների, մարմնական ու սեռական զարգացմանը եւ հարակից այլ հարցերի վերաբերյալ ուշագրավ դիտարկումներով աչքի է ընկնում նաեւ Սմբատ քհն. Սարգսյանի հրապարակումը¹⁶։ Տեր Սմբատի կարծիքով՝ ընտանիք կազմելու, ասել է թե՛ ամուսնութեան էական նպատակը որդեծնությունն է, իսկ սեռական հարաբերությունը եւ կենցաղային հարմարությունները միայն միջոց են սերունդ տալու եւ կրթելու համար։ Դրելով, թե քրիստոնեական Եկեղեցու հասկացողությամբ՝ ամուսնությունը տղամարդու եւ կնոջ մի բնական ընկերություն է «կեանքի շարունակութիւնը ստեղծելու, սերունդ առաջացնելու եւ

¹⁴ Տէս X., Ուշագրութեան արժանի խնդիր «Արարատ», 1904, ԺԱ., էջ 952։ Նորապսակների առողջական վիճակի մասին բժշկական վկայական (տեղեկանք) ներկայացնելու անհրաժեշտութեան մասին տես Մկրտիչ Ա. Վանեցի Ամենայն Հայոց Կաթողիկոսի (Նորմյան Հայրիկ) թ. 266 կոնդակը, «Արարատ», 1905, Ե., էջ 404։ Ամսագիրը ծանուցում է նաեւ, որ ժողովուրդը գոհունակությամբ է ընդունել ամուսնացողներից բժշկական վկայական պահանջելու՝ Սինոդի որոշումը, ինչի վկայությունն են մի քանի տեղերից ստացված շնորհակալական հեռագրերը։ Տէս «Արարատ», 1905, Ա., էջ 19։

¹⁵ Տէս «Քաղուածք Սինոդի օրագրութիւններից», «Արարատ», 1905, Ա., էջ 7—8։

¹⁶ Տէս ՍԲԲՏ ՔԶՆՅ. ՍԱՐԳՍԵԱՆՅ, Բնչ է եկեղեցական ամուսնութիւնը, «Արարատ», 1909, Ա., էջ 33—43։

սերունդ կրթելու, կեանքի բնական լուծը տանելու հաւասարազօր զոյգ», Սմբատ քահանան նշում է, որ տիրող օրենքը՝ ամուսնացողների տարիքը սահմանելու վերաբերմամբ, խիստ պակասավոր է, քանի որ դրանում որոշ է միայն ամենափոքր եւ ամենամեծ սահմանը՝ 13–15-ից մինչեւ 80 տարեկանը, բայց թե ինչ հարաբերակցություն պետք է լինի ամուսնացողների տարիքների միջեւ, այդ մասին օրենքում ոչինչ չկա: Տեր Սմբատն առաջարկում է օրենքով սահմանել ամուսնացողների միջեւ ամենամեծ տարիքային հեռավորությունը. այն է՝ եթե տղամարդն է մեծ, մինչեւ տասնհինգ տարի, եթե կինն է մեծ, երեք տարուց ավելի չպետք է լինի¹⁷:

Մահասփյուռ եւ դժնդակ 1915 թ., երբ նահատակվում էր հայ ժողովրդի արեւմտահայ հատվածը, հայ ընտանիքների ամրությունը մտահոգված Գեւորգ Ե. Սուրենյանց կաթողիկոսը առ 26 նոյեմբերի 1915 թ. թիվ 2180 կոնդակով հոգեւոր ատյաններին ու քահանաներին կարգադրում էր ամուսնությունների եւ ամուսնալուծությունների հարցերում խստորեն պահպանել եկեղեցական կարգն ու ավանդույթները¹⁸: Մինչ այդ նորին սրբություն Գեւորգ Ե. Սուրենյանցը, նկատի ունենալով, որ սկսված ռուս-թուրքական պատերազմը խոչընդոտում է Արեւմտյան Հայաստանի եւ Օսմանյան կայսրության հայաբնակ շրջանների թեմակալ առաջնորդներից պսակվողների ամուրիության վերաբերյալ ճշգրիտ տեղեկությունների ստացմանը եւ մտահոգված լինելով նոր ընտանիքների ստեղծման ու հայ ժողովրդի բազմացման կարեւոր խնդրով՝ արեւելահայ թեմակալ առաջնորդներին շրջաբերական կոնդակներ է հղում եւ հրահանգում, որ գաղթական հայերին պսակի թույլտվություն տան, եթե 6–7 գրագետ անձնավորություն երգմամբ հաստատի պսակվողների ամուրիությունը¹⁹:

Հայադավանների ամուսնալուծական խնդիրներով Ռուսաց կառավարիչ խորհրդարանի եւ Հայոց կաթողիկոսի իրավասություններն են

¹⁷ Տէս անդ, էջ 36, 40:

¹⁸ Տէս Գեւորգ Ե. Սուրենյանցի սրբատառ կոնդակը. «Արարատ», 1915, ԺԱ.—ԺԲ., էջ 807–809: Ուշագրավ է նաեւ Գեւորգ Ե. կաթողիկոսի առ 24 մարտի 1917 թ. թ. 480 գրությունը՝ ուղղված Երեւանի փոխթեմակալ Տեր Խորեն եպս. Մուրադբեկյանին, որով Խորեն եպիսկոպոսին հանձնարարում էր բանիմաց գաղթական անձանց խորհրդակցություն հրավիրել եւ միջոցներ ձեռնարկել գաղթականների պսակալուծությունների առաջն առնելու համար, իսկ խորհրդակցության մասին զեկուցում ներկայացնել իրեն՝ Գեւորգ Ե. Սուրենյանց կաթողիկոսին: Տէս «Արարատ», 1917, Դ.—Ե., էջ 281:

¹⁹ Տէս «Արարատ», 1915, Բ. —Գ., էջ 110:

մեկնաբանված Արսեն վարդապետի հեղինակած հոդվածում²⁰։ Հոդվածագիրը, հենվելով Հայոց եկեղեցու կանոնների վրա, ցույց է տալիս այն իրավական հոդը, որը պետք է լինի ամուսնալուծությունների խնդրում Հայոց կաթողիկոսների բռնելիք դիրքի կռվանը։

«Արարատ» ամսագրի էջերում միջնադարյան Հայաստանում ամուսնության կարգերի խանգարումների եւ խախտումների, մասնավորապես՝ մերձամուսնության եւ բազմակնության վերաբերյալ արժեքավոր հետազոտական հոդվածաշար է հրատարակել Ստեփան Կանայանցը²¹։

Անգավակության պատճառով հայ ընտանիքների ամուսնալուծությունների թվի կրճատմանն էր միտված Սինոդի հետեւյալ որոշումը։ Քննության առնելով Նոր Նախիջեւանի եւ Բեսարաբիայի թեմական ատյանի առ 1917 թ. մարտի 7-ի թ. 254 հայտարարությունը՝ հայ բարեսիրտ ընտանիքների կողմից ընկեցիկ երեխաների որդեգրման մասին՝ Սինոդը որոշեց (որոշում է թ. 161՝ տրված առ 15 մայիսի 1917 թ.), որ չափաբերական մատյաններում հայ քահանաները պետք է արձանագրեն ընկեցիկ երեխայի մկրտությունն այն ամուսինների անունով, որոնք օրինական կերպով որդեգրում են երեխային²²։

Ընտանիքի վերաբերյալ «Արարատ» ամսագրում հրատարակվել են նաեւ թարգմանական նյութեր, որոնցից է Սամուել Սմայլսի «Ընտանիքի ազդեցություն» հրապարակումը²³։ Հեղինակը, կարեւորելով կնոջ դերն ու կրթական մակարդակը, գրում է, որ կնոջ ազդեցությունն ամեն տեղ միեւնույնն է, ամենուր նրա վիճակը մեծ ազդեցություն ունի ժողովրդի բարոյականության, սովորությունների, բնավորության վրա։ Որտեղ նվաստացած է կինը, այնտեղ նվաստացած է հասարակությունը, որտեղ կինը բարոյապես սուրբ է, անբիծ եւ զարգացած, այնտեղ բարձրանում է հասարակությունը նրա համեմատությամբ։

²⁰ Տե՛ս ԱՐՍԷՆ ՎԱՐԴԱՊԵՏ (հավանաբար՝ Արսէն վրդ. Ղլտճեան), Հայադաւանների ամուսնալուծական խնդիրներն եւ Ռուսաց կառավարիչ սենատը (Խնդրի տեսօրինական լուծման շուրջը), «Արարատ», 1917, Գ.—Ե., էջ 341—349։

²¹ Տե՛ս ՍՏ. ԿԱՆԱՅԱՆՑ, Ամուսնական արտակարգ երեւոյթներ, «Արարատ», 1917, Զ.—Է., էջ 517—525. Նույնի՝ Մերձամուսնութիւնը եւ բազմակնութիւնը քրիստոնէայ Հայաստանում, «Արարատ», 1917, Ը., էջ 651—669. Նույնի՝ «Մերձամուսնութիւն», «Արարատ», 1917, Թ.—ԺԲ., էջ 765—789. Նույնի՝ «Մերձամուսնութիւն», «Արարատ», 1918, Ա.—Գ., էջ 89—99։

²² Տե՛ս «Սինոդի օրագրերից քաղուածներ», «Արարատ», 1917, Զ.—Է., էջ 436։

²³ Ս. ՍՄԱՅԼՍ, Ընտանիքի ազդեցութիւն (թարգմանիչ՝ Գէորգեան ճեմարանի Զ. դասարանի աշակերտ Թադէոս Պալեան), «Արարատ», 1881, Ա., էջ 25—36, Գ., էջ 127—139։

Կնոջը կրթել նշանակում է տղամարդուն կրթել, բարձրացնել կնոջ բնավորությունը, նշանակում է տղամարդու բնավորությունը բարձրացնել, ընդարձակել կնոջ մտավոր ազատությունը, նշանակում է ամբողջ հասարակության ազատությունը ընդարձակել եւ ապահովել, որովհետեւ հասարակությունները ծնվում են ընտանիքներից, ինչպես որ ազգերը՝ մայրերից²⁴:

Ամփոփենք: Ընտանիքի վերաբերյալ «Արարատ» ամսագրում տպագրված հոդվածներում, նյութերում եւ հրապարակումներում արծարծվել են հասարակական մեծ հնչեղություն ունեցող եւ ժամանակի հայ հասարակությանը հուզող հարցեր: Իրենց հրապարակումներում հոդվածագիրները կարեւորել են ընտանիքի, ծնողների հասարակական դերը, ընտանեկան դաստիարակության նշանակությունը: «Արարատ» ամսագրում ընտանիքի վերաբերյալ ներկայացված բազմաթիվ դիտարկումներ ու պնդումներ շատ արժեքավոր են եւ ուսանելի: Այդ հրապարակումներում բարձրացված մի շարք հարցեր այժմ նույնպես արդիական են եւ չեն կորցրել իրենց հրատապությունը:

РЕЗЮМЕ

Изданный в 1868—1919 гг. журнал «Арагат» сыграл значительную роль в духовной, культурной и общественной жизни армянского народа. Издание способствовало развитию науки, культуры и арменоведения. Вокруг «Арагата» сплотились и корреспондировали для журнала почти все известные армянские священнослужители, деятели культуры и ученые того времени.

Опубликованные в журнале статьи, материалы и исследования, касающиеся различных отраслей науки и искусства, в том числе арменоведения и педагогики, стали неоценимым источником и важным материалом для дальнейших исследований и научных исканий.

В журнале «Арагат» были опубликованы статьи, материалы и публикации, в которых были затронуты вопросы, волнующие армянское общество того времени. В своих публикациях авторы статей отмечали важность социальной роли семьи, родителей, а также значимость семейного воспитания. Ряд вопросов,

²⁴ Ս. ՄԱՅՈՒՆ, Ընտանիքի ազդեցություն (Թարգմանիչ՝ Գէորգեան Ճեմարանի Զ. դասարանի աշակերտ Թադէոս Պալեան), «Արարատ», 1881, Գ., էջ 137:

поднятых в публикациях о семье на страницах журнала «Арарат», и сегодня не утратил своей актуальности.

SUMMARY

Published from 1868 to 1919, “Ararat” magazine played a significant role in the spiritual, cultural and social life of the Armenian people. “Ararat” magazine contributed to the development of science, culture and Armenology. Almost all famous Armenian clergymen, cultural workers and scholars of that period rallied around “Ararat” and collaborated with the magazine. It published articles, materials and researches related to various branches of science and art, including Armenology and pedagogy, which became an invaluable source and important material for further researches and scientific endeavors.

Articles, materials and publications of “Ararat” magazine touched upon issues of concern to the Armenian society of the time. The authors of the articles in their publications noted the importance of the social role of the family, parents, as well as the importance of family education. A number of issues raised in publications about the family on the pages of “Ararat” magazine are still relevant and have not lost their significance.

